

內務 東三省總督徐等會奏吉林省現辦邊務情形摺

二百九十四

五月

驗明確實卽行裁除現在清查戶口等事業經奏明劃歸民政部職掌所有比丁事宜應請一併劃歸民政部辦理以專責成謹奏奉旨依議欽此

東三省總督徐等會奏吉林省現辦邊務情形摺

竊查本年未八月間曾因吉林省延吉廳地方邊務吃緊派令副都統銜現署琿春副都統陳昭常爲督辦陸軍協都統銜正參領吳祿貞爲幫辦並將該處當時情勢奏明在案嗣該員等陸續行抵該處體察情形隨時稟報並由臣等隨事與樞臣部臣籌商辦法一面督飭妥爲布置數月以來略有頭緒請爲朝廷縷晰陳之查延吉廳設治爲時雖尙不久然長白山爲我聖朝發祥之地史冊昭然此山現在廳治境中其爲國家版圖自無疑義向歸璉春協領管轄光緒十一年始設招墾分局十三年旋於和龍峪奏設通商總局於光霽船設立分局兼理越墾事宜蓋從前韓國係我藩屬壤地相接居民往來本可畛域無分而所以設此局者一則使韓民有自由貿易之權一則使韓民有安土忘歸之樂近數年中時局變遷邊情亦因而小異然越墾之衆久已相安從前韓民旣不願照韓國之請一律別還此時我自不能因係韓國之民稍存歧視該員等到後卽經奉宣朝廷德意並恐其受我官民欺壓於韓民聚集之區皆各設一派辦處派委事務員在彼稽查彈壓訂定辦事章程俾

其遵守韓民初尙不免爲謠言所惑心懷疑貳近見我國實行保護處置和平已無不鼓舞欣懷歸恐後日內竟有多數學生自請薙髮改裝願歸約束之事韓民之感情如此則我之所以籌保護者更不容緩該廳設立未久一切民治之政多未舉行現擬竭力籌畫先從清理戶口擴張警察入手而繼之以興學勸農諸政該廳既多越墾之民戶籍斷難稍混爲我民者皆當服我政教清查旣得要領自不慮其猜疑巡警本爲保衛地方要政該廳原設巡警多不諳警察學問且地廣人少分布難周亟應責成該廳認真辦理至於興學勸農則尤三省邊地最要之事舊有吉強軍一營在彼駐紮現經遵照陸軍部章程逐漸改編巡防隊惟人數較少遇有剿捕等事尙恐不敷調遣亦當徐加整頓俾益完密以上所陳皆現在籌辦延吉廳邊務之實在情形也至該廳所屬之天寶山一帶礦產森林最爲豐美該處曾經前將軍派委程光第開辦銀礦嗣以資本虧折將該員參革查追有案可稽是該員早已離差與此礦毫不相涉乃該員因辦過此礦知其有利可圖竟爾私訂合同招工開採經陳昭常等到彼查出實據特將該礦封禁現該員業已畏罪潛逃正在飭拿懲辦臣等伏念吉林省沿邊礦山林立徒以官家辦理不甚經意遂致若輩從而生心若不及早自圖必有私爲放棄權利者實不啻授人以柄惟有一面嚴行禁止一面設法經營此又因與邊務重有關係

係而不得不預爲防範者也總之現在籌辦邊務仍不過保守權利整頓地方至於越墾之民本與齊氓無異但使地方諸務措理得宜則吾民安而越墾之民亦無不俱安從前該廳以地面太大不免布置未能周密現有陳昭常等在彼事事考察督飭該廳遇事整頓或可漸圖治理臣等有保守疆土綏輯人民之責無論事機若何艱難惟當併力圖維隨機策應以期仰副我朝廷慎重邊圉之至意謹奏奉 碑批知道了欽此

各省內務彙誌

京師○吏部以生員考職新章錄取者准取具同鄉京官印結由部驗看分發各省試用第此項人員寒畯者多往返京師川資難措爰議准其捐免驗看由外省設局就近上兌並援照舊章准本籍起辦清白赴選文結以示體恤他項捐納人員不得援以爲例聞已通行各省照辦○度支部以此次裁改人員簽分本部者計共四十餘員除實缺外其候補學習各員歷資較淺者居多若照吏部新章與本部人員各較各資相間序補將不數年間裁缺資淺者可以全行得缺而本部資深者轉致向隅殊屬窒礙特援上年八月法部奏請將裁缺分部人員與本部人員一體較資分班補用之例奏請嗣後裁缺候補各員學習期滿六個月奏留如遇序補資深到班無論正途捐納均以從前奏留之日與本部人員統較各資補用勞績到班亦與本部人員勞績保案奉 旨日期比較先後補用庶可兩得其平摺上奉 旨依議○法部咨行各省嗣後凡解配應行監禁或收所之犯帶有妻室子女係強壯者責令在外工作衰老者照孤貧例給予口糧如有不敷由地方官設法捐濟仍比依法部現審人犯已結各案之例許令該親屬一日兩次入視若本犯母庸監禁而